



REPUBLIKA E SHQIPËRISË
MINISTRIA E TURIZMIT DHE MJEDISIT
AGJENCIA KOMBËTARE E MJEDISIT
DREJTORIA E VLERËSIMIT TË IMPAKTIT DHE LIÇENSIMIT

AN150820220014

Tiranë, më: 15.11.2022

Komisioni 87

DEKLARATË MJEDISORE

Në mbështetje të Ligjit Nr. 12/2015 “Për disa ndryshime në ligjin nr. 10440, datë: 07.07.2011, “Për Vlerësimin e Ndikimit në Mjedis”, VKM Nr. 686, datë 29.7.2015 “Për miratimin e rregullave, të përgjegjësive e të afateve për zhvillimin e procedurës së vlerësimit të ndikimit në mjedis dhe procedurës së transferimit të vendimit e deklaratës mjedisore” dhe me propozim të Agjencisë Kombëtare të Mjedisit, Ministri

VENDOSI:

Lëshimin e Deklaratës Mjedisore për **Zhvilluesin** me të dhënat si më poshtë:

Person juridik: “DELVINA GAS COMPANY” Degë e shoqërisë së huaj

Nr. NIPT-i: L61416039U

Adresa e selisë: Bulevardi "Dëshmorët e Kombit", Qendra e Biznesit "Twin Towers", Kulla Nr.1, Kati 7, Apartamenti A4, Zonë Kadastrale Nr.8270, Nr. Pas. 3/239+1-N31

Personi përgjegjës: Kastriot Bejtaj

Për të zhvilluar projektin: “**Zhvillimi i Vendburimit të Delvinës me Qëllim Kërkimin dhe Shfrytëzimin e Gazit Natyror**”

Aplikimi është bërë referuar Ligjit Nr. 10440, datë 7.7.2011 “Për Verësimin e Ndikimit në Mjedis”, Shtojca I, “Projektet që i nënshtrohen Procedurës së Thelluar të Vlerësimit të Ndikimit në Mjedis”, Pika 14. Nxjerrja e naftës dhe e gazit natyror për qëllime tregtare, ku masa e nxjerrë e tejkalon nivelin prej 50 tonë/ditë në rastin e naftës dhe 10 000 m³/ditë në rastin e gazit.

Vendndodhja: Blloku i Delvinës, Qarku Vlorë

Sipërfaqja totale e zonës së hidrokarbureve: 23401.03 ha.

(Bashkangjitur vendimit, gjeni aneksin I me hartën topografike dhe koordinatat metrike, ku tregohet vendodhja e objektit, aneksi II. Distancat nga zonat e Mbrojtura)

Bazuar në nenin 12, të ligjit nr. 10440, datë 7.7.2011, “Për vlerësimin e ndikimit në mjedis”, i ndryshuar, i sugjerohet autoritetit planifikues:

Miratimi i lejes/licencës së zhvillimit të atij projekti, me kushtet që duhet të përmbushen nga zhvilluesi, për të parandaluar, minimizuar dhe menaxhuar ndikimet negative në mjedis;

Bazuar në pikën 2, të nenit 12, të ligjit nr. 10440, datë 7.7.2011, “Për vlerësimin e ndikimit në mjedis”, të ndryshuar, më poshtë po listojmë:

1. Qëndrimin e Ministrisë dhe sipas rastit, kushtet që duhet të përmbushen nga zhvilluesi:

Drejtoritë Teknike të Ministrisë shprehen: Në zbatim të legjislacionit përkatës për fushën e cilësisë së ajrit në mjedis, sugjerohet që si gjatë fazës së punimeve edhe gjatë shfrytëzimit, të mbahen në konsideratë rekomandimet e mëposhtme:

- Të respektohen normat e lejuara të shkarkimeve në ajër të ndotësve të gaztë dhe lëndës së ngurtë pezull, në zbatim të VKM-së nr. 435, datë 12.9.2002 “Për miratimin e normave të shkarkimeve në ajër në Republikën e Shqipërisë”;

- Të spërkatet rregullisht me ujë sheshi i ndërtimit dhe rrugët e transportit, për mbajtjen nën kontroll të pluhurformimit, si dhe forcimin e zbatimit të këtyre masave edhe më shumë në kohën e thatë dhe me erë, në zbatim të VKM-së nr. 412, datë 19.6.2019 “Për miratimin e planit kombëtar për menaxhimin e cilësisë së ajrit”;

- Të sigurohen struktura brenda sheshit të ndërtimit për larjen dhe pastrimin e automjeteve/rrrotave të automjeteve, para daljes nga sheshi i ndërtimit, në zbatim të VKM-së nr. 412, datë 19.6.2019 “Për miratimin e planit kombëtar për menaxhimin e cilësisë së ajrit

Gjithashtu gjatë funksionimit të aktivitetit duhet të bëhet monitorim periodik i cilësisë së ajrit.

- Në zbatim të legjislacionit përkatës për fushën e menaxhimit të kimikateve, sugjerohet që si gjatë fazës së punimeve edhe gjatë fazës së shfrytëzimit, duhet të mbahen në konsideratë rekomandimet e mëposhtme:

- Subjekti dhe punonjësit duhet të jenë të familjarizuar dhe të respektojnë në mënyrë rigorozë masat dhe rekomandimet për mbrojtjen, sigurinë e njeriut dhe mjedisit, nga kimikatet që do të përdoren për qëllime të këtij aktiviteti, në zbatim të ligjit nr. 27/2016 “Menaxhimi i kimikateve”;

- Kimikatet ose produktet/artikujt që i përmbajnë ato, duhet të jenë të klasifikuara, etiketuara, paketuara dhe të shoqërohen me dokumentacionin me të dhënat e sigurisë kimike (MSDS), sipas kërkesave të legjislacionit në fuqi (VKM-së nr. 488, datë 29.6.2016 “Për klasifikimin, etiketimin dhe ambalazhimin e kimikateve”, si dhe VKMsë nr. 9, datë 9.1.2019 “Për rregullat e detajuara dhe metodat për kryerjen e vlerësimit të sigurisë së kimikatit, si edhe kërkesat specifike, përmbajtja dhe formati i dokumentit me të dhënat e sigurisë”);

- Kimikatet ose produktet/artikujt që i përmbajnë ato, duhet të ruhen dhe menaxhohen në mënyrë të sigurt, në zbatim të ligjit nr. 27/2016 “Menaxhimi i kimikateve”. Në zbatim të legjislacionit përkatës për fushën e ndryshimeve klimatike rekomandohet të bëhet rehabilitimi i sipërfaqeve të zhveshura nga bimësia duke krijuar hapësira të gjelbra përreth Sygjerojme qe gjate zhvillimit te projektiit te zbatohen detyrimet siaps akteve te poshteshenuara masat zbutese per fushen e mbetjeve dhe biodiversitetit . - VKm nr 575 e dt. 26/05/2015. - VKM nr.177, datë 06.03.2012 “Për ambalazhet dhe mbetjet e tyre”. - VKM Nr. 99, Datë 18.02.2005 “Për miratimin e katalogut shqiptar të klasifikimit të mbetjeve”. - VKM nr. 765, datë 07.11.2012 “Për miratimin e rregullave për grumbullimin e diferencuar dhe trajtimin e vajrave të përdorura”. - VKM nr.418, datë 25.06.2014 ” Për grumbullimin e diferencuar të mbetjeve në burim”. - VKM nr. 229, datë 23.04.2014 “Për miratimin e rregullave për transferimin e mbetjeve jo të rrezikshme dhe informacionit që duhet të përfshihet në dokumentin e transferimit”. - VKM nr.866, datë 4.12.2012 “Për bateritë akumulatorët dhe mbetjet e tyre”. - VKM 652, date 14.09.2016 “Per rregullat dhe kriteret per menaxhimin e mbetjeve nga gomat e perdorura”. - Vendim nr. 232, datë 26.4.2018 “Për disa ndryshime dhe shtesa në vendimin nr. 177, datë 6.3.2012, të këshillit të ministrave, “Për ambalazhet dhe mbetjet e tyre” - VKM nr.687, date 29.7.2015 “Per miratimin e rregullave per mbajtjen, perditesimin dhe publikimin e statistikave te mbetjeve”. - VKM nr.687, date 29.7.2015 “Per miratimin e rregullave per mbajtjen, perditesimin dhe publikimin e statistikave te mbetjeve”. - VKM

nr. 127, datë 11.02.2015 “Kërkesat për përdorimin në bujqësi të llumrave të ujërave të ndotura”. - VKM nr.371, datë 11.06.2014 “Për miratimin e rregullave për dorëzimin e mbetjeve të rrezikshme dhe të dokumentit të dorëzimit të tyre”. - VKM nr.418, datë 27.05.2020 “Për miratimin e dokumentit të politikave strategjike dhe të planit kombëtar për menaxhimin e integruar të mbetjeve,2020-2035” - Ligji nr 10463, dt. 22/09/2011, “Per Menaxhimin e Integruar te Mbetjeve” I ndryshuar. - Ligji nr. 9587, date 20.7.2006 “Per mbrojtjen e biodiversitetit”, i ndryshuar; - Ligji nr. 10006, date 23.10.2008 “Per mbrojtjen e faunes se eger”, i ndryshuar; - Ligji nr. 41/2017, date 4.5.2017 “Per zonat e mbrojtura”; Sa i takon sektorit të biodiversitetit sygjerojmë që gjatë zhvillimit të aktivitetit zona të rehabilitohen dhe të kthehen në gjendje natyrore duke zbatuar ligjet në fuqi per mbrojtjen e mjedisit konkretisht ligjeve: - Ligji nr. 9587, date 20.7.2006 “Për mbrojtjen e biodiversitetit” i ndryshuar; dhe Ligjin nr.10 006, Datë 23.10.2008 “Për mbrojtjen e faunës së egër” i ndryshuar.

Agjencia Kombëtare e Zonave të Mbrojtura: Bazuar në planvendosjen dhe koordinatat e aplikimit, sipërfaqja ku do të zhvillohet projekti “Zhvillimi i vendburimit të Delvinës, me qëllim kërkimin dhe shfrytëzimin e gazit natyror”, me zhvillues “DELVINA GAS COMPANY” sh.p.k dhe aplikues “GR ALBANIA” sh.p.k, me nr. Aplikimi AN150820220014, shtrihet në dy zona të mbrojtura, Parku Natyror “Syri i Kaltër” në nëzonat ZQ, ZPT/Q, ZR dhe Rezervati Natyror i Menaxhuar “Bredhi i Kardhiqit – Rrëzomë”, në nënzonat ZQ dhe ZPTQ, shpallur me VKM-në Nr. 60, datë 26.01.2022 “Për shpalljen e Ekosistemeve Natyrore Rezervat Natyror i Menaxhuar/Park Natyror (Kategoria IV), si dhe Miratimin e Ndryshimit të Statusit e të Sipërfaqeve ekzistuese të Zonave të Mbrojtura Mjedisore”.

Gjithashtu, në këtë bllok ndodhen monumentet natyrorë: “Kanioni i Piksit, Zhveshja e Muzinës, Pylli i Bushecit, Pylli i Kardhikaqit, Rrapi i Muzinës, Rruga e Gjarpërit, Bokërrimat e Muzinës (Pecës), Ujëvara e Kardhikaqit, Karsti i Gorjanit, Pylli i Lefkasit, Mëllëza e Rrëzomës, Fosilet e Lefterhorit, Karsti i Bashajve, Burimi Karstik i Oknos, Rrepet e Delvinës, Rrepet e Rusanit, Karsti i Delvinës”, shpallur me VKM nr. 187, datë 25.3.2021 “Për disa ndryshime dhe shtesa” të VKM nr. 303, datë 10.5.2019, “Për miratimin e listës së rishikuar, të përditësuar, të monumenteve të natyrës shqiptare”. Referuar Ligjit Nr.81/2017 "Për zonat e mbrojtura", neni 19, "Rezervat natyror i Menaxhuar/Park Natyror (kategoria IV)", pika 3, citohet se: në “Parkun natyror” nuk lejohet të zhvillohen aktivitetet e mëposhtme: a) ndryshimet e gjendjes natyrore të rezervave ujore, burimeve, liqeneve dhe sistemeve ligatinore; b) shfrytëzimi dhe zënia e zonës me aktivitete që bien ndesh me qëllimet për të cilat ajo është marrë në mbrojtje.

Në nenin 17 "Monument natyre", pika 2 dhe 3, citohet se: “Në një monument natyror zbatohet shkalla e mbrojtjes e njëjtë me Rezervën Strikte (shkalla e parë e mbrojtjes). Monumentet natyrore rrethohen nga zona buferike me gjerësi deri në 200 metra nga perimetri i monumentit”.

Sipas VKM nr. 60, citohet se: a) Nënzona Qëndrore, e shënuar në hartë me ZQ, përfshin habitatet kryesore pyjore, shkurresh dhe përcaktohet si zonë me vlera të larta e të rralla për trashëgiminë natyrore e biodiversitetin dhe në të zbatohet shkalla e më lartë e mbrojtjes, që siguron një territor të pashqetësuar. Në këtë nënzona lejohen kërkimi shkencor, zhvillimi i veprimtarive ekoturistike të lira në natyrë. b) Nënzona e Përdorimit Tradicional dhe Zhvillimit të Qëndrueshëm, përfshin tokat pyjore, bujqësore e kullotat, dhe territore ujore ku mundësohet vazhdimi i veprimtarive tradicionale si punime për shëndetësimin e pyjeve, aktivitete bujqësore, kullotja, grumbullimi dhe kultivimi i bimëve mjekësore e aromatike, me përdorim të balancuar të tyre dhe nuk lejohen ndërtimet e veprimtaritë ekonomike që shkaktojnë ndryshimin e gjendjes natyrore të ekosistemit natyror. Në nënzona e përdorimit tradicional dhe zhvillimit të qëndrueshëm, zbatohet shkalla e dytë e mbrojtjes, që siguron një territor me ndikim të ulët dhe kontroll të veprimtarive ekonomike, sociale, agrobiznesit, argëtuese, sportive e ekoturistike, ndërtimi i infrastrukturës sipas planeve të zhvillimit urban e turistik të miratuar nga Këshilli Kombëtar i Territorit (KKT), të cilat nuk çenojnë integritetin ekologjik të ekosistemit natyror dhe respektojnë funksionet e zonës së mbrojtur, vlerat ekologjike dhe ato të peizazhit natyror

e kulturor. c) Nënzona rekreative përfshin, përfshihen pjesët e habitateve pyjore dhe ujore. Në të zbatohet shkalla e tretë e mbrojtjes, që siguron një territor me ndikim të ulët dhe kontroll të veprimtarive turistike, si mundësi shëtitje në natyrë, shërbime turistike, në mënyrë të tillë që të respektojnë funksionet e zonë së mbrojtur, vlerat e tij ekologjike dhe ato të peizazhit natyror, në mbështetje të studimeve urbanistike të miratuara nga KKT-ja.

Referuar sa më sipër cituam, për zhvillimin e këtij aktiviteti subjekti zhvillues “DELVINA GAS COMPANY” sh.p.k. duhet të të mos cënojë në asnjë rast monumentet e natyrës duke respektuar zonën buferike të tyre si dhe të mos ndërhyjë brenda parqeve natyrore.

Agjencia Rajonale e Mjedisit shprehen, me sugjerime si me poshte vijon:

- Subjekti “Delvina Gas Company” është një subjekt i cili prej vitesh zhvillon aktivitetin e tij ekonomik në fushën e kërkimit dhe shfrytëzimit të hidrokarbureve gazit natyror dhe në kuadër të aplikimit për leje mjedisore në përputhje me legjislacionin mjedisor në fuqi. Propozimi i këtij projekti ka për qëllim që subjekti Delvina Gas Company të realizojë zhvillimin e mëtejshëm të vendburimit të Delvinës me qëllim kërkimin dhe shfrytëzimin e gazit natyror si dhe me qëllim që subjekti Delvina Gas Company të paisjet më të gjitha detyrimet ligjore mjedisore.
- Mbetjet inerte të ripërdoren kur është e mundur ose të largohen rregullisht nga sheshi i ndërtimit duke u depozituar në pikat e caktuara nga Bashkia DELVINE si dhe të trajtohen sipas kërkesave të VKM Nr.575, datë 24.6.2015 “Për miratimin e kërkesave për menaxhimin e mbetjeve inerte”.
- Të mos hidhet asnjë mbetje e ngurtë ose e lëngët në mjedisin ujor dhe atë tokësor.
- Në të gjitha rastet që do të ketë ndërhyrje në mjedisin tokë do të duhet të ruhet vegjetacioni si edhe bimësia karakteristike zonale duke mos dëmtuar në asnjë rast peizazhin natyror të zonës së marrë në studim.
- Të kryhet rrethimi i kantierit të ndërtimit gjatë punimeve dhe të vendosen tabela paralajmëruese për rreziqet për kalimtarët dhe punonjësit.
- Gjatë transportit të përdoren mushamatë e kamionave për të shmangur përhapjen e dherave e të materialeve inerteve në rrugët lidhëse të zonës.
- Të merren masa për të zvogëluar ose zbutur efektet e zhurmës dhe dridhjeve aty ku ato janë praktike dhe me kosto efektive.
- Të merren masat për lagjen e rrugëve të aksesit në kantier të cilat do të përdoren nga mjetet e tonazhit të lartë duke ulur mundësinë e përhapjes së grimcave të ngurta në mjedis.
- Të mos përdoren boritë e mjeteve në qendrat e banuara dhe qarkullimi të kryhet me shpejtësi të ulët. Të bëhet sistemimi, rehabilitimi i sheshit të ndërtimit dhe të krijohen sipërfaqe të gjelbërta rreth objektit pasi ky i fundit të ketë përfunduar procesin ndërtimor sipas Lejes Zhvillimore.
- Në rast se do të kemi dëmtim të habitateve të merren masa për rehabilitimin e tij ose zëvendësimin me habitat të ri.
- Të merren masa për zbutjen e ndikimit në peizazh duke ruajtur natyralitetin e zonës.

2. Informacion për procesin e realizuar të konsultimit me publikun:

Konsultimi me publikun: Morën pjesë përfaqësues nga komuniteti i zonës, përfaqësues nga Pushteti Vendor si dhe nga Drejtoria Rajonale e Mjedisit dhe përfaqësues nga studio mjedisore. Në takim është prezantuar projekti, janë dëgjuar sugjerimet e pjesëmarrësve, të cilat do të merren parasysh nga ana e investitorëve, gjatë kohës së shfrytëzimit. Nga ana e investitoreve iu siguroa të pranishmeve që do të merren të gjitha masat për eliminimin e ndikimeve negative në mjedis, duke mos cënuar jetën e banorëve. Kërkesat e pjesëmarrësve, do të mbahen parasysh, në fazën kur shoqëria do të fillojë procedurat për fazën e shfrytëzimit.

3. Arsyet dhe konsideratat kryesore, ku është mbështetur mendimi;

- Instrumentin e Transferimit të nenshkruar me datë 22.08.2016 ndërmjet Albpetrol Sh.a., Agjencisë Kombëtare të Burimeve Natyrore, TransAtlantic Albania LTD dhe Delvina Gas Company LTD
- Marrëveshja Hidrokarbure për Kerkimin, Zhvillimin dhe Prodhimin e Hidrokarbureve ne Bllokun e Delvinës, nënshkruar me 23 Gusht 2007 ndërmjet Albpetrol Sh.a dhe Stream Oil & Gas LTD, e miratuar me VKM nr.509, datë 08.08.2007.
- Mendimin e Agjencisë Kombëtare të Zonave të Mbrojtura
- Mendimin e Drejtorive teknike të Ministrisë së Turizmit dhe Mjedisit
- Agjencisë Rajonale të Mjedisit
- Informacionin shtesë datë 04.11.2022
- Në mendimin e anëtarëve të Komisionit 87, datë 15.11.2022, i mbledhur në zbatim të Urdhërit nr.106, datë 19.05.2022, "Një ndryshim në Urdhërin nr.75, datë 13.04.2022, për "Krijimin e komisionit teknik për shqyrtimin e kërkesave që i nënshtrohen procedurës paraprake dhe të thelluar të vlerësimit të ndikimit në mjedis".

4. Përshkrimin, sipas rastit, të masave kryesore që duhen marrë për të shmangur, reduktuar e nëse është e mundur, për të korrigjuar efektet negative të rëndësishme.

- 4.1** Ky objekt të ndërtohet në përputhje të plotë me Planin e Përgjithshëm Vendor dhe Planin e Detajuar Vendor, të miratuar nga organet kompetente (KKT / Bashkia / Njësi Administrative) dhe akteve ligjore dhe nënligjore në fuqi.
- 4.2** Ky vendim nuk është leje zhvillimi përfundimtare për zbatimin e këtij projekti, por është një dokument i cili lëshohet me kusht që në rast se do të zhvillohet ky aktivitet, duhet të zbatohet kushtet e vendosura si detyrim që vjen nga Ligji Nr. 10431, datë 9.6.2011 "Për Mbrojtjen e Mjedisit", si dhe Ligji nr. 10 440, datë 07.07.2011 "Për Vlerësimin e Ndikimit në Mjedis", të ndryshuar, KREU I, Neni 1, Pika a); KREU II, Neni 7, Pika 1; KREU V, Neni 20, Pika 1.
- 4.3** Kjo deklaratë është e vlefshme pas miratimit nga institucionet përkatëse. Aktiviteti të zhvillohet vetëm brenda sipërfaqjes dhe koordinatave të kërkuara në aplikim.
- 4.4** Referuar mendimit të AKZM-së të ruhen distancat nga monumente natyrore dhe të mos çenojë në asnjë rast monumentet e natyrës duke respektuar zonën buferike të tyre si dhe të mos ndërhyjë brenda parqeve natyrore.
- 4.5** Ndalohen rreptësisht punimet në zonat e mbrojtura, të cituara në mendimin e AKZM-së
- 4.6** Në bazë të Ligjit Nr. 81/2017, "Për Zonat e Mbrojtura", nga zbatuesit e projektit të merren masa që mos të dëmtohen zonat me status të vecantë.
- 4.7** Të ruhen distancat nga zonat e Mbrojtura referuar deklarimeve të sjella në informacionin shtesë datë 04.11.2022
- 4.8** Subjekti duhet të tregoj kujdes të veçantë me monumentet e natyrës të cilt ndodhen në zonë.
- 4.9** Kjo Deklaratë është e vlefshme pasi subjekti të bëjë heqjen nga Fondi Pyjor, në rast se aktiviteti bie në një të tillë.
- 4.10** Në rast se gjatë punimeve shfaqen elemente të tillë si: objekte kulti, gjurmë arkeologjike, burime ujore etj, subjekti të ndërpresë punimet dhe të lajmërojë urgjentisht organet kompetente.
- 4.11** Subjekti të zbatohet me korrektësi kërkesat e Legjislacionit Shqipëtar për mbrojtjen e mjedisit dhe komunitetit.

- 4.12 Para fillimit të zbatimit të projektit në terren, të hartohet Plani i Menaxhimit Mjedisor.
- 4.13 Kompania të ndjek me përpikmëri projektin për të evituar rrëshkitjet e dherave dhe aksidentet e mundshme.
- 4.14 Proçesi teknologjik të kryhet në bazë të studimeve gjeologjike dhe hidrologjike për të shmangur në maksimum dëmtimin e burimeve ujore, devijimin e rrymave ujore, erozionin dhe dëmtimin e zonave përreth.
- 4.15 Proçesi i shpimit të pusit të mos dëmtojë vepra dhe infrastrukturën e ujitjes, kullimit dhe objekteve të tjera në afërsi, barriera mbrojtëse, tubacione ujësjellesi kanale etj.
- 4.16 Ndalohet kategorikisht shkarkimi i mbetjeve në shtratin e lumit ne rast se gjenerohen te tilla.

Gjatë fazës së instalimit:

- 4.17 Të vendoset sinjalistika paralajmëruese përgjatë gjithë segmentit të punimeve me qëllim shmangien e aksidenteve njerëzore
- 4.18 Të kontrollohen kushtet teknike të mjeteve të punës në mënyrë periodike për të evituar, parandaluar rrjedhjet e lubrifikantëve e të hidrokarbureve në mjedis, emetimin e gazeve të shkaktuara nga avari teknike të mjeteve të subjektit.
- 4.19 Të respektohet distanca nga rruga, gjatë fazës së instalimit dhe kryerjes së punimeve, sipas legjisllacionit në fuqi.
- 4.20 Përdorimi i pajisjeve, automjetet, që emetojnë nivele zhurmash brenda normave të lejuara të emetimit 60 – 100 db.
- 4.21 Subjekti të realizojë në mënyrë të menjëhershme çdo ndërhyrje teknike për të riparuar çdo fenomen negativ në mjedis si pasojë e veprimtarisë së tij.
- 4.22 Të sistemohen brenda sipërfaqjes së shfrytëzimi të gjitha sterilet e gjeneruara nga shfrytëzimi i karrierës
- 4.23 Në raste aksidentesh ose defektesh teknologjike që shkaktajnë ndotje të mjedisit, subjekti menjëherë duhet të jap informacion në DRM-në e qarkut përkatës dhe AKM, të cilat bëjnë të mundur njoftimin e popullatës që preket nga ky aksident.
- 4.24 Të mbillen pemë në të gjithë perimetrin e zonës për të minimizuar ndikimet në mjedis dhe përmirësuar pejsazhin.
- 4.25 Subjekti të kujdeset për menaxhimin e mbetjeve të krijuara gjatë fazës së instalimit, sidomos ato të ambalazhimit, duke i transportuar në mënyrë të rregullt në vend grumbullimet e caktura nga njësia vendore. Zotëruesit e mbetjeve inerte duhet të zbatojnë detyrimet që janë të përcaktuara në VKM nr.575, datë 24.06.2015 "Për miratimin e kërkesave për menaxhimin e mbetjeve inerte".
- 4.26 Përgjatë gjithë rrugës së brendshme të karrierës (përfshi transhetë), të hapet një kanal ujëmbledhës i orientuar drejt një grope dekantimi, për mbledhjen dhe disiplinimin e ujërave gjatë kohës së shfrytëzimit.
- 4.27 Subjekti të respektojë kushtet lidhur me mbrojtjen e biodiversitetit, menaxhimin e pyjeve, emetimet në ajër, shkarkimet e ujërave të ndotura, menaxhimin e mbetjeve etj.
- 4.28 Kompania duhet të respektojë gjithashtu kushtet e vendosura në raportin e VNM-së të aplikuar si dhe Ligjin Nr. 10 431, datë 9.6.2011 "Për Mbrojtjen e Mjedisit".
- 4.29 **Gjatë fazës së funksionimit, ky aktivitet do të ketë efekte në mjedis, në bazë të Ligjit nr. 60/2014 datë 19.6.2014, "Për një ndryshim në ligjin nr. 10448, datë 14.7.2011, "Për Lejet e Mjedisit", të ndryshuar, Shtojca I, duhet t'i nënshtrohet procedurave për paisje me Leje Mjedisore.**

5. Monitorimi dhe Raportimi

Në bazë të Ligjit Nr. 128/2020 Për disa ndryshime dhe shtesa në Ligjin Nr. 10440, datë: 07.07.2011, “Për Vlerësimin e Ndikimit në Mjedis”, të ndryshuar, Neni 25/1 “Monitorimi dhe vlefshmëria”, zhvilluesi ka detyrimet si më poshtë:

- Zhurma dhe Vibracionet

- Të zbatohen nivelet kufi të zhurmës, referuar Udhëzimit Nr. 8, date 27.11.2007 “Për nivelet kufi të zhurmave në mjedise të caktuara” dhe Ligjit Nr.9774 date 12.07.2007 “Për vlerësimin dhe administrimin e zhurmës në mjedis”
- Të merren masa për mbrojtjen e punonjësve nga zhurmat.
- Të merren masat për kufizimin e orareve të punës në kantier.
- Operatori duhet të parandalojë gjenerimin e zhurmës impulsive në zonat e ndjeshme ndaj zhurmës, gjatë operimit të instalimeve.
- Vibrimet në vende të ndjeshme nuk duhet të kalojë 10 mm/s (PPV) në çdo kohë.
- Të bëhet monitorimi i zhurmave për mjediset: automjete/kamiona në hyrje të kantierit, kantier ndërtimi dhe mjedisi urban më i afert me kantierin çdo 6 muaj.

Tabela e niveleve kufi:

Mjedisi	Vlera kufi e zhurmës dB(A) Leq, T Ditë	Vlera kufi e zhurmës dB(A) Leq, T Mbrëmje	Raportimi në AKM	Periodiciteti
Automjete/kamiona ne hyrje te kantierit	55	45	17.05.2023	Çdo 6 muaj
Kantier ndertimi	55	45	17.05.2023	Çdo 6 muaj
Mjedisi urban me i afert me kantierin	55	45	17.05.2023	Çdo 6 muaj

- Shkarkimet në Ajër

- Të zbatohen nivelet kufi të shkarkimeve në ajër, referuar Ligjit Nr. 162/2014 “Për Mbrojtjen e Cilësisë së Ajrit në Mjedis” dhe VKM Nr. 248, datë: 24.03.2003 “Për Miratimin e Normave të Përkohshme të Shkarkimeve në Ajër dhe Zbatimin e tyre”.
- Shkarkimet në ajër të jene brenda normave të lejuara, duke marre masa për reduktimin e tyre.
- Kantieri në të cilin emetohen lëndë grimcore në ajër, duhet të pajiset sipas mundësive teknike dhe mbi bazën e natyrës së procesit, me rrjeta uji / sisteme spërkatje / sisteme heqje pluhurash.
- Të bëhet monitorimi i nivelit të pluhurave në ajër, për mjediset: kantier ndërtimi dhe mjedisi urban më i afert me kantierin çdo 6 muaj.

Tabela e niveleve kufi

Ndotësi	Përqëndrimi	Raportimi në AKM	Periodiciteti
Lënda grimcore (PM _{2.5})	20-25 µg/m ³	17.05.2023	Çdo 6 muaj
PM ₁₀	50 µg/m ³ , 40 µg/m ³	17.05.2023	Çdo 6 muaj

- **Cilësia e ujrave**

Parametrat që duhet të monitorohen

Ndotësi	Përqëndrimi	Raportimi në AKM	Periodiciteti
Lëndët në pezulli	50 mg/l	17.05.2023	Çdo 6 muaj

- **Subjekti duhet të sjellë pranë AKM-së si më poshtë:**
- Informacion në momentin e fillimit të punimeve
- Raportimin periodik për parametrat që do të monitorohen sipas datës së raportimit/ çdo 6 muaj.
- Informacion në përfundim të punimeve, lidhur me punimet rehabilituese të territorit përreth, shoqëruar edhe me foto.

- **Afati i Vlefshmërisë**

- Vendimi për VNM-në paraprake për projektin e propozuar është e vlefshme për aq kohë sa është i vlefshëm edhe dokumenti i miratimit të zhvillimit për projektin.
- Nëse projekti, që i është nënshtruar procesit të VNM-së, nuk fillon zbatimin në terren brenda 2 vjetëve nga data e miratimit të deklaratës mjedisore apo të vendimit për VNM-në paraprake, atëherë këto dokumente konsiderohen të pavlefshme dhe procesi i VNM-së fillon nga e para.

Në bazë të udhëzimit të MM dhe MF nr. 7938, datë 17.7.2014 “Për përcaktimin e tarifave dhe vlerave përkatëse për shërbimet që kryen Ministria e Mjedisit për procesin e VNM-së”, ky subjekt ka kryer pagesën 50.000 lekë.

DREJTOR I PËRGJITHSHËM

ARTA DOLLANI

MINISTRI


MIRELA KUMBARO FURXHI

Konceptoi:

Konfirmoi:

Pranoi:

Aneksi 1. Harta me koordinatat



Aneksi II. Distancat nga zonat e Mbrojtura

